



## শাহজালাল বিশ্ববিদ্যালয় প্রেসক্লাব

গ্রাউন্ডফ্লোর, কেন্দ্রীয় গ্রন্থাগার ভবন

শাহজালাল বিজ্ঞান ও প্রযুক্তি বিশ্ববিদ্যালয়, সিলেট

ফোন: ০১৭৯৩-৩৭৯৩৬৬, Email: [pressclub.sust@gmail.com](mailto:pressclub.sust@gmail.com)

---

# গঠনতন্ত্র

শাহজালাল বিজ্ঞান ও প্রযুক্তি বিশ্ববিদ্যালয়, সিলেট



## শাহজালাল বিশ্ববিদ্যালয় প্রেসক্লাব

গ্রাউন্ডফ্লোর, কেন্দ্রীয় গ্রন্থাগার ভবন  
শাহজালাল বিজ্ঞান ও প্রযুক্তি বিশ্ববিদ্যালয়, সিলেট

ফোন: ০১৭৯৩-৩৭৯৩৬৬, Email: [pressclub.sust@gmail.com](mailto:pressclub.sust@gmail.com)

### গঠনতন্ত্র

#### ভূমিকা

বিভিন্ন জাতীয় দৈনিক, স্থানীয় দৈনিক ও বার্তা সংস্থায় কর্মরত শাহজালাল বিজ্ঞান ও প্রযুক্তি বিশ্ববিদ্যালয়ের সংবাদদাতাদের একটি সংগঠনের প্রয়োজন অনুভূত হচ্ছে। বিশ্ববিদ্যালয় সংবাদদাতাদের মধ্যে পেশাগত সৌহার্দ্য ও ঐক্য বজায় রাখা এবং বিশ্ববিদ্যালয় সংক্রান্ত বস্তুনিষ্ঠ সংবাদ পরিবেশন করে একে তার যথাযথ চিত্রে উপস্থাপনের স্বার্থে একটি সংগঠন অত্যন্ত প্রয়োজনীয় হয়ে পড়েছে। প্রক্টরীয়ায় অনুমোদনের ভিত্তিতে ১১ই মার্চ প্রতিবছর সংগঠনটির প্রতিষ্ঠা বার্ষিকী পালিত হবে। সংগঠন থাকলে তার কার্যকলাপ সুষ্ঠুভাবে পরিচালিত হবার জন্যে একটি গঠনতন্ত্র দরকার। সংগঠন নিজের গঠনতন্ত্র অনুযায়ী পরিচালিত হবে।

#### ১. নাম

শাহজালাল বিজ্ঞান ও প্রযুক্তি বিশ্ববিদ্যালয় প্রেসক্লাব। তবে সংক্ষেপে শাহজালাল বিশ্ববিদ্যালয় প্রেসক্লাব (Shahjalal University Press Club) নামে পরিচিত হবে।

#### ২. উদ্দেশ্য

- ক. শাহজালাল বিজ্ঞান ও প্রযুক্তি বিশ্ববিদ্যালয় সংবাদদাতা হিসেবে দায়িত্বপালনরত ব্যক্তিদের মধ্যে পেশাগত ঐক্য ও সৌহার্দ্য বজায় রাখা।
- খ. ছাত্রসমাজ তথা দেশবাসীর কাছে বিশ্ববিদ্যালয় সংক্রান্ত বস্তুনিষ্ঠ তথ্য পরিবেশন করে বিশ্ববিদ্যালয়ের যথাযথ ভাবমূর্তি উপস্থাপন করা।
- গ. সুস্থ সাহিত্য ও সাংবাদিকতার ঐতিহ্য নির্মাণ ও বিকাশ সাধন।

#### ৩. সদস্যভুক্তি

- ক. শাহজালাল বিজ্ঞান ও প্রযুক্তি বিশ্ববিদ্যালয়ের সংবাদদাতা হিসেবে ঢাকাভিত্তিক জাতীয় দৈনিক ও স্থানীয় দৈনিক পত্রিকায় কর্মরত প্রতিনিধিরাই কেবলমাত্র এ সংগঠনের সদস্য হতে পারবেন।
- খ. জাতীয় দৈনিক, বার্তা সংস্থা বা অন্যকোন পত্রিকার কর্মচারীরা এ সংগঠনের সদস্য হতে পারবেন না।
- গ. সদস্যপদ কেবল তারাই পাবেন যারা শাহজালাল বিজ্ঞান ও প্রযুক্তি বিশ্ববিদ্যালয়ের সংবাদদাতা হিসেবে নিয়োগপ্রাপ্ত পেয়েছেন। নিয়োগপ্রাপ্ত পত্রিকায় নামে প্রকাশিত দুটি সংবাদ ও একটি ফিচার থাকতে হবে। কারও ফিচার না থাকলে একটি ফিচারের পরিবর্তে দুটি সংবাদ জমা দিতে হবে।
- ঘ. সাধারণ সভায় সাধারণ পরিষদ সদস্যদের কমপক্ষে তিন-চতুর্থাংশ অনুমোদন দিলে একজনকে সদস্য হিসেবে সংগঠনে অন্তর্ভুক্ত করা যাবে।
- ঙ. সদস্যপদ লাভের জন্য আবেদনপত্রে কমপক্ষে তিনজন নির্বাহী পরিষদ সদস্যের সুপারিশ থাকতে হবে।

চ. সদস্য হবার ফি ১০০ (একশত) টাকা এবং মাসিক চাঁদা ৩০ (ত্রিশ) টাকা হবে। চাঁদার কারণে বা অন্যকোন কারণে কারো সদস্যপদ বাতিল হলে পুনঃ অর্ন্তভুক্তি ফি ১০০ (একশত) টাকা এবং বকেয়া চাঁদা সহ আবার আবেদন করলে সাধারণ পরিষদের অনুমোদন সাপেক্ষে তাকে পুনঃরায় সদস্য করে নেয়া যেতে পারে।

ছ. যে ব্যক্তি ক্লাবের কোন শ্রেণীর সদস্য হবার যোগ্য নন, অথবা যেসব ব্যক্তি, প্রতিষ্ঠানসমূহ এককভাবে পরিচালিত প্রতিষ্ঠান অথবা কোম্পানী যারা শ্রেণী ছাড়াই ক্লাবের সদস্য হতে চান। নির্বাহী কমিটি তার বিশেষ ক্ষমতাবলে এদের মাসিক চাঁদা ছাড়া সদস্য করে নিতে পারবেন। এরূপ সদস্যদের বার্ষিক চাঁদা ১,০০০ (এক হাজার) টাকার কম হবে না।

জ. আজীবন সদস্য: প্রতিষ্ঠাতা সভাপতি তৌহিদ চৌধুরী ও প্রতিষ্ঠাতা সাধারণ সম্পাদক ইমাম হাসান মুক্তি আজীবন সদস্য পদে অধিষ্ঠিত থাকবেন। ৩ (ছ) মোতাবেক আজীবন সদস্য হতে হলে এককালীন ১০,০০০ (দশ হাজার) টাকার অধিক প্রদান করতে হবে।

#### ৪. সদস্যপদ বাতিল

ক. সংগঠনের উদ্দেশ্য ও স্বার্থ বিরোধী আচরণের উপযুক্ত প্রমাণ পাওয়া গেলে একজন সদস্যের পদ বাতিল হবে।

খ. অন্তত: দুই তৃতীয়াংশ নির্বাহী পরিষদ সদস্য অনাহুত জানালে সদস্য পদ বাতিল হবে।

গ. বিশ্ববিদ্যালয়ের সংবাদদাতা হিসেবে দায়িত্ব শেষ হবার তিনমাস পর্যন্ত কারো সদস্যপদ কার্যকর থাকতে পারে। এরপর সদস্যপদ বাতিল হয়ে যাবে।

ঘ. পরপর ছয়মাস কেউ চাঁদা না দিলে তার সদস্যপদ বাতিল হবে।

ঙ. সদস্যপদ বাতিলের সিদ্ধান্ত সাধারণ সভায় অনুমোদন সাপেক্ষে হতে হবে।

চ. পরপর তিনটি সভায় অনুপস্থিত থাকলে সদস্যপদ বাতিল হবে। সভা শুরু হবার আধা ঘন্টার মধ্যে সভাস্থলে হাজির না হলে তাকে অনুপস্থিত ধরা হবে।

#### ৫. উপদেষ্টা পরিষদ

ক. সংগঠনের কার্যক্রম সুষ্ঠুভাবে পরিচালনার স্বার্থে বিশিষ্ট ব্যক্তিদের নিয়ে গঠিত ৭ (সাত) সদস্যের একটি উপদেষ্টা পরিষদ থাকবে। এ পরিষদ সংগঠনের বিভিন্ন কর্মকাণ্ডে নির্বাহী পরিষদকে পরামর্শ দিবেন। এবং নির্বাহী পরিষদ প্রয়োজনমত উপদেষ্টা পরিষদের উপদেশ নিবেন।

খ. উপদেষ্টা পরিষদের কাঠামো হবে এরকম:

প্রধান উপদেষ্টা

উপাচার্য, শাহজালাল বিজ্ঞান ও প্রযুক্তি বিশ্ববিদ্যালয়

উপদেষ্টা মন্ডলী

রেজিস্ট্রার, শাহজালাল বিজ্ঞান ও প্রযুক্তি বিশ্ববিদ্যালয়

ছাত্র উপদেশ ও নির্দেশনা পরিচালক, শাহজালাল বিজ্ঞান ও প্রযুক্তি বিশ্ববিদ্যালয়

প্রক্টর, শাহজালাল বিজ্ঞান ও প্রযুক্তি বিশ্ববিদ্যালয়

জনসংযোগ কর্মকর্তা, শাহজালাল বিজ্ঞান ও প্রযুক্তি বিশ্ববিদ্যালয়

সভাপতি, সিলেট প্রেসক্লাব

সভাপতি, সিলেট জেলা প্রেসক্লাব

গ. 'খ' উপধারার বর্ণিত কাঠামোর ভেতর হতে যদি কোন কর্মকর্তা উপদেষ্টা পরিষদে থাকতে অসম্মতি জ্ঞাপন করেন তবে পরবর্তী পর্যায়ের কর্মকর্তা বা আর কাউকে পরিষদের সদস্য করা হবে।



#### ৬. সাধারণ পরিষদ

ক. সাধারণ পরিষদ হবে সংগঠনের সর্বোচ্চ ক্ষমতা সম্পন্ন পরিষদ।

খ. সংগঠনের সকল সদস্যই এ পরিষদের সদস্য।

গ. এ পরিষদ সংগঠনের সদস্যপদ চূড়ান্তভাবে অনুমোদন করবে।

ঘ. সদস্যপদ বাতিলের চূড়ান্ত ক্ষমতা এ পরিষদের থাকবে।

ঙ. এ পরিষদ সংগঠনের বার্ষিক প্রতিবেদন ও বাজেট অনুমোদন করবে।

চ. পরিষদের দুই-তৃতীয়াংশ সদস্যের অনুমোদন নিয়ে এই পরিষদের যেকোন সদস্য সাধারণ সভা আহবান করতে পারবেন।

#### ৭. কার্যনির্বাহী পরিষদ

ক. সদস্যদের প্রত্যক্ষ ভোটে/সর্বসম্মতিক্রমে সদস্যদের ভেতর থেকে সংগঠনের সাধারণ সভায় নয় সদস্য বিশিষ্ট নির্বাহী পরিষদ নির্বাচিত হবে।

খ. পরিষদের কাঠামো হবে এই রকম:

সভাপতি : একজন

সহ-সভাপতি: একজন

সাধারণ সম্পাদক: একজন

যুগ্ম-সম্পাদক: একজন

অর্থ-সম্পাদক: একজন

দপ্তর-সম্পাদক: একজন

কার্যকরী সদস্য: তিনজন

গ. নির্বাহী দায়িত্বের ব্যাপারে নির্বাহী পরিষদ চূড়ান্ত ক্ষমতার অধিকারী।

ঘ. পরিষদের মেয়াদকাল একবছর। প্রতিবছর নতুন পরিষদ নির্বাচিত হবে।

ঙ. এই পরিষদ বছরে অন্তত দুটি সাধারণ সভার ব্যবস্থা করবে এবং সংগঠনের কার্যকলাপ ও অগ্রগতি নিয়ে আলোচনা করবে।

#### ৮. নির্বাহী পরিষদের সদস্যপদ বাতিল সংক্রান্ত

ক. বিশ্ববিদ্যালয় সংবাদদাতা হিসেবে অব্যহতি পাবার পর এই পরিষদের একজন সদস্য তিন মাসের বেশী ঐ পদে থকতে পারবেন না। তিন মাসের মধ্যে সভা ডেকে ঐ পদের জন্যে নতুন একজনকে নির্বাচিত করতে হবে।

খ. নির্বাহী পরিষদের কমপক্ষে ৬ জন সদস্য ঐ পরিষদের কোন সদস্যের বিরুদ্ধে অনাস্থা আনলে ঐ সদস্য তার পদের অযোগ্য বলে বিবেচিত হবে এবং তার পদ শূণ্য হয়ে যাবে।

#### ৯. নির্বাহী পরিষদ সদস্যদের দায়িত্ব

ক. সভাপতি: পরিষদের সভা পরিচালনা করবেন। সংগঠনের প্রতিনিধিত্ব করা এবং সংগঠনের পক্ষে বিজ্ঞপ্তি, বিবৃতি দেয়া তার দায়িত্ব। তিনি সাধারণ সম্পাদক ও অর্থ সম্পাদক মিলে ব্যাংক একাউন্ট পরিচালনা করবেন।

খ. সহ-সভাপতি: সভাপতির অনুপস্থিতিতে সভাপতির দায়িত্ব পালন করবেন।

গ. সাধারণ সম্পাদক: সভাপতিকে বিভিন্ন কাজে সহযোগিতা করবেন। সভাপতির অনুমোদনক্রমে সংগঠনের প্রতিনিধিত্ব করা বা বিজ্ঞপ্তি, বিবৃতি দেয়া তার দায়িত্ব। সভাপতির অনুমতি নিয়ে নির্বাহী এবং

সাধারণ সভার আহ্বান করবে। তিনি সংগঠনের জন্যে বিভিন্ন কর্মসূচি প্রণয়ন করবেন। বার্ষিক সাধারণ সভায় তিনি বার্ষিক প্রতিবেদন পেশ করে অনুমোদন করে নিবেন।

ঘ. যুগ্ম সম্পাদক: সাধারণ সম্পাদকের অনুপস্থিতিতে তার দায়িত্ব পালন করবেন।

ঙ. অর্থ সম্পাদক: সংগঠনের তহবিল রক্ষণাবেক্ষণ করবেন এবং হিসাব পত্র রাখবেন। তিনি সদস্যদের মাসিক চাঁদা আদায়ের দায়িত্ব পালন করবেন। বার্ষিক সাধারণ সভায় তিনি বিগত বছরের হিসেব পত্র অনুমোদন করিয়ে নেবেন এবং আগামী বছরের জন্যে সংগঠনের বাজেট পেশ করবেন।

চ. দপ্তর সম্পাদক: সংগঠনের নথিপত্র রক্ষণাবেক্ষণ করবেন। চিঠিপত্র ও যোগাযোগ রক্ষা করা ইত্যাদি কাজের দায়িত্ব পালন করবেন। অফিস রক্ষণাবেক্ষণের মূল দায়িত্বও তিনি পালন করবেন।

ছ. সদস্য: সভাপতি ও সাধারণ সম্পাদকের কাছে সাহায্যের জন্যে কোন দায়িত্ব পেতে পারেন। এছাড়া নির্বাহী পরিষদের নির্ধারিত যে কোন পদের দায়িত্ব অন্তর্বর্তীকালীন সময়ের জন্যে পালন করবেন।

#### ১০. তহবিল

ক. সদস্যদের দেয়া অন্তর্ভুক্ত ফি, মাসিক চাঁদা, এবং অন্যান্য সূত্র থেকে প্রাপ্ত অর্থ নিয়ে সংগঠনের তহবিল গঠিত হবে।

খ. এ তহবিল বিশ্ববিদ্যালয় এলাকাছ যে কোন ব্যাংকে রাখা যাবে। সভাপতি সাধারণ সম্পাদক এবং অর্থ-সম্পাদক যৌথ স্বাক্ষরের মাধ্যমে একাউন্ট পরিচালিত হবে। এ তিনজনের দু'জন স্বাক্ষর করলেও চলবে।

গ. সংগঠনের বিলুপ্তির পর ঋণ ও দায় সন্তোষজনক ভাবে মেটানোর পর উদ্ধৃত অর্থ কখনো সদস্যদের মাঝে বন্টন করা যাবে না। সংগঠনের সদস্যদের সিদ্ধান্ত অনুযায়ী ক্লাবের লক্ষ্যের সাথে মিল রয়েছে এমন প্রতিষ্ঠানকে প্রদান অথবা হস্তান্তর করা যাবে। যদি ব্যর্থ হয় এবিষয়ে অধিকার রাখে এমন আদালত এ ব্যাপারে সিদ্ধান্ত নিবে।

ঘ. তহবিল সংগ্রহের জন্য শিক্ষক/বিভাগ/দপ্তর সংশ্লিষ্টদের ৩,০০০ (তিন হাজার) এবং শিক্ষার্থী বা কোন সংগঠনের ক্ষেত্রে ১,০০০ (এক হাজার) টাকার বিনিময়ে সংবাদ সম্মেলন করা হবে।

#### ১১. কমিটির ক্ষমতা ও কার্যাবলী


ক. ক্লাবের সাধারণ সম্পাদক সভাপতির পরামর্শ অথবা অনুমতি সাপেক্ষে কমিটির যে কোন তিনজন সদস্যের অনুরোধে কমিটির বিশেষ সভা আহ্বান করতে পারবে। এ ক্ষেত্রে উক্ত সভায় কোন বিষয়ে আলোচনা হবে এর উল্লেখসহ লিখিতভাবে ২৪ ঘন্টা আগে নোটিশ দিতে হবে।

খ. কমিটির যে কোন তিনজন সদস্য বিশেষ সভা আহ্বানের জন্য সাধারণ সম্পাদকের কাছে লিখিতভাবে অনুরোধ জানাতে পারবেন। তবে অনুরোধ কালে সভায় আলোচ্য বিষয়গুলো উল্লেখ করতে হবে।

#### ১২. গঠনতন্ত্র সংশোধন

এই গঠনতন্ত্রের যে কোন অংশ সাধারণ সভায় উপস্থিত সদস্যদের মধ্যে দুই-তৃতীয়াংশের ভোটে পরিবর্তন, সংশোধন, সংযোজন করা যাবে।

প্রথম সংস্করণ, ২০ই জুন ২০১৫



সভাপতি

শাহজালাল বিশ্ববিদ্যালয় প্রেসক্লাব

সাক্ষরিত

সভাপতি

শাহজালাল বিশ্ববিদ্যালয় প্রেসক্লাব



সাধারণ সম্পাদক

শাহজালাল বিশ্ববিদ্যালয় প্রেসক্লাব

সাক্ষরিত

সাধারণ সম্পাদক

শাহজালাল বিশ্ববিদ্যালয় প্রেসক্লাব